

27 наурыз
Бейсенбі,
2025 жыл

uil-gazet@mail.ru

Газет 1930
жылдың
қараша айынан
бастап шығады

Ойыл

ҚИЫНДЫҚТЫ БІРГЕ ЖЕҢЕМІЗ! ЖАҚСЫЛЫҚТЫ БІРГЕ КӨРЕМІЗ!

ҰЛЫСТЫҢ ҰЛЫ КҮНІ ҚАРСАҢЫНДА АУДАН ХАЛҚЫ ҮЛКЕН ӨБИГЕРГЕ ТҮСТІ. БЫЛТЫРҒЫ УАҚЫТША КӨПІР СУДЫҢ АСТЫНДА ҚАЛДЫ. ҚАТЫНАС ҚАЙЫҚПЕН ЖҮЗЕГЕ АСЫРЫЛА БАСТАДЫ. УАҚЫТША ТЕХНИКАЛЫҚ КӨПІРДІ ҚҰРЫЛЫСЫ ҰЗАП КЕТТІ. ҚАРДЫҢ КҮРТ ЕРУІ ЖҰМЫСТЫ КІДІРТТІ. СОНДЫҚТАН, ҚОСЫМША КҮШ ЖҰМЫЛДЫРУҒА ТУРА КЕЛДІ. ҚАРДЫҢ КҮРТ ЕРУІ - МЕРДІГЕРЛЕРДІҢ СЫЛТАУЫ.

АҚСАҚАЛҒА КӨРІСІП БАРДЫ

ОЙЫЛ АУДАНЫ ОЙЫЛ АУЫЛЫНА САПАРЫ АЯСЫНДА ОБЛЫС ӘКІМІ АСХАТ ШАХАРОВ АУЫЛ АҚСАҚАЛЫ, МӘДЕНИЕТ ҚАЙРАТКЕРІ АМАНГЕЛДІ ЖҰМАНОВТЫҢ ҮЙІНЕ КӨРІСІП БАРДЫ.



80 жастағы ақсақалға сәлем бере барған Асхат Шахаров әңгіме арасында Ойылда салынып жатқан көпірдің құрылыс барысын, алдағы уақытта жүзеге асырылатын жобаларды сөз етті. Көпір құрылысы биыл аяқталуы тиіс. Ойыл мен Қобда арасын жалғайтын күре жол жаңартылады. Сондай-ақ, Қаратал ауылындағы су тасқынына қарсы шаралармен танысып, жөнтаныс-тіршілігін жеткізіп, ауылдың мәселелері туралы жазып отыратын жанашыр ақсақалдардың бірі. Ойыл



Наурызда қар ерімесе, сонда қашан ериді? Абырой болғанда, 75 адам 25 техникамен соңғы 4-5 тәулік бойы күні-түні жұмыс жасап, көп су келгенше көпірді көтеріп үлгерді... Өйткені, облыс әкімінің тапсырмасына сәйкес, облыс әкімінің орынбасары Асылбек Есенбаев бірнеше күн бойы Ойылда болып, техникалық көпір құрылысын тез арада аяқтау мәселесін қадағалады. Оған облыс әкімі Асхат Шахаровтың келіп, жұмысты сынға алуы да септігін тигізді. Сол күні облыс әкімі Ойыл ауданына жұмыс сапары аясында өткен жылы су астында қалған Екпетап ауылының тұрғындары үшін Ойыл

селосында салынған жаңа үйлердің бірінің иесі Құрал Дүйсенғалиевтың отбасына барды. Сондай-ақ, былтырғы су тасқынынан зардап шеккен Қаратал ауылына барды. Ш. Берсиев атындағы ауылдық округ әкімі Әділбек Ізбаев өңір басшысына елді мекенді су тасқынынан қорғау бойынша қабылданып жатқан шаралар туралы баяндады. Тіпті уақытша техникалық көпірдің құрылысын Қазақстан Республикасы Премьер-Министрінің орынбасары Қанат Бозымбаев та бақылады. Сол күні облыстағы қауіпті аймақтарды әуеден тікұшақпен қарап шықты.

Өйтеуір, әуіріммен көлік қатынасы қалыпқа келді. Бірақ, техникалық көпір ауыр жүк көліктерін өткізуге қауқарсыз. Сондықтан және техникалық көпір біржолатты бағыттағы қозғалысқа арналғандықтан, уақытша көпірден жеңіл көліктер кезектесіп өткізіледі. Ал, көліктердің өтуі аудандық полиция бөлімінің қызметкерлерімен күндіз-түні бақылауда. Аудан әкімінің орынбасары Саян Сүлейменовтің айтуынша, өзiрге түнгi уақытта техникалық көпірден өтуге шақтеу қойылып отыр. Азық-түлік сыйымдылығы орташа көліктермен тасымалданып жатса, жанар-жағар майдың ішкі резерві жеткілікті...

Р. С. Түймедей дүниені түйедей қылуға тырысып, тырнақ астынан кір іздеген блогерсымақтардың халықты билікке, көлік жүргізушілерін полицияға айдап салмақ ойы орындалған жоқ. Биліктің тізгінін ұстаған жігіттердің бәрі де біріміздің бауырымыз, біріміздің құдамыз, өзіміздің ортамыздан шыққан «балалар». Полиция қызметкерлері де солай. Сондықтан, Ойылдың қуанышы да, бейнеті де бәрімізге ортақ. Айтаққа еріп, арандап қалмайық, ағайын! Қиындықты бірге жеңеміз! Жақсылықты бірге көреміз!
Судың қауіп сөйінді!
Сәрікбай ҚОЙБАҒАРОВ,
Ойыл селосы.

ЖАҢАРУ - ЖАҢА ҚАДАМ

НАУРЫЗ – КӨКТЕМНІҢ ШУАҒЫ ТӨГІЛГЕНДЕ ТАБИҒАТПЕН БІРГЕ АДМ ДА ЖАҢАРЫП, ЖАҚСЫЛЫҚҚА БЕТ БҰРАТЫН КЕЗЕҢ. БИЫЛ ОЙЫЛ АУДАНЫНДА ӨТКЕН НАУРЫЗНАМА ОНКҮНДІГІДЕ НАҒЫЗ ХАЛЫҚТЫҚ ТОЙҒА АЙНАЛДЫ.



ЖАҢА ҚОНЫСТА АҚШАЛАЙ ЖАҢА ЖАУРЫЗ НАУРЫЗ

КӨКТЕМНІҢ ШУАҒЫ ТӨГІЛІП, ЖЕР-ДҮНИЕ ЖАҢАРҒАН ШАҚТА ҚАЗАҚ ХАЛҚЫ АСЫҒА КҮТЕТІН НАУРЫЗ МЕЙРАМЫ ДА КЕЛІП ҚАЛДЫ. БИЫЛ БҮЛ МЕРЕКЕ ЖАҢАБАЗ ЖӘНЕ ЕКПЕТАП АУЫЛДАРЫНЫҢ ТҮРҒЫНДАРЫ ҮШІН ЕРЕКШЕ ЕСТЕ ҚАЛДЫ. СЕБЕБІ НАУРЫЗ ЖАҢА ҚОНЫСТА, ЖАҢА ТҮРҒЫН ҮЙ АЛҚАБЫНДА АЛҒАШ РЕТ ТОЙЛАНЫП ОТЫР.

Мерекелік думан таңмен бірге басталды. Көңілді ән мен күй, ұлттық киімдегі адамдар, ақ жаулықты аналардың күлімсіреген жүзі – бәрі де мейрамның көркіне керік қосты. Тұрғындар ақ дастарқан жайып, бауырсақ пен наурызкөже ұсынып, келген қонақтарға ақжарма тілектерін жаудырды. Бұл күн тек көктемнің ғана емес, жаңа бастамалардың, жаңа өмірдің жаршысы іспетті болды.



Аудан әкімі Асқар Қайырғалиұлы жиналған жұртшылықты құттықтап, ынтымақ пен бірліктің, жақсылық пен жаңарудың символына айналған Наурыздың мән-маңызына тоқталды. Ол жаңа қонысқа көшіп келген ауыл тұрғындарына амандық пен береке тіледі. Наурыз мейрамы тек қонақжай дастарқанмен ғана емес, ұлттық ойындармен де ерекшеленді. Арқан тартыс, қол күрес, жаяу жарыс сияқты сайыстарда ауыл жастары белсенділік танытып, өз шеберліктерін көрсетті.

Ал оқушылар арасындағы оқтау тартыс ойыны көпшіліктің көңілінен шықты. Жеңімпаздарға ақшалай сертификаттар табысталып, олар үшін бұл мейрам ерекше есте қалатыны анық. Жаңабаз және Екпетап ауылдарының тұрғындары үшін бұл Наурыздың орны бөлек.

Себебі жаңа үйге қоныстанған халық үшін бұл мейрам жаңа өмірдің бастауындай болды. Бәрінің жүзі жарқын, көңілі көтеріңкі. Үлкендер ақ батасын беріп, жастар жаңа қоныстарында бақыт пен шаттыққа кенелсін деген тілек білдірді. Ынтымақ пен бірлікті ту еткен

ауыл тұрғындары бұл мерекені әдеттегіден де ерекше сезінді. Қыстан аман шығып, көктемнің жылы лебін сезіну – тек табиғаттың ғана емес, адамның да жаңаруы секілді. Жаңа қонысқа қадам басқан халық үшін бұл Наурыз жақсылықтың бастауы болғай!

Ш. Бекмұхамбетова атындағы мектеп-гимназиясының алдында ұйымдастырылған бұл шараға Жолмырзаев, Құрманғазин, Қойшығұлов, Дауленов көшелерінің тұрғындары жиналып, қазақтың дархан дәстүрін көрсетті. Мерекені Ойыл аудандық әкімдігі, аудандық мәслихат, "Аманат" партиясының аудандық филиалы, Ш. Берсиев атындағы музей, аудандық архив және Ш. Бекмұхамбетова атындағы мектеп-гимназиясы бірлесіп ұйымдастырды. Бұл күннің басты ерекшелігі – Наурыздың "Жаңару күні" ретінде атап өтілуі. Халқымыздың сан ғасырлық дәстүрі мен рухани құндылықтары дәріптелген бұл той нағыз жаңару мерекесі десек қателеспейміз. Мерекелік дастарқанның сәнін көшелердің тұрғындары өзирлеген ұлттық тағамдар келтірді. Наурыз көже, бауырсақ, қымыз, құрт секілді дастарқан дәстүрін жаңғыртқан дәмдер көпшілікке ұсынылды. Бұл қазақтың қонақжайлығын паш еткен нағыз халықтық мереке болды. Сахна төрінде домбыра күмбірлеп, халық өндері шырқалды. Жергілікті өнерпаздар ұлттық киім-мен сахнаға шығып, дәстүрлі әндер орындап, күй шертіп, мерекенің шырайын кіргізді. Бұл күн тек көктемнің келуі ғана емес, бірліктің, жаңарудың, ұлттық дәстүрдің салтанат құруы. Осы сынды мерекелер арқылы халқымыздың мәдениеті ұлықталып, ұрпаққа өнеге болып қалмақ.

